

Baionako Kultur Astean Maiatz-en Literatur Solasaldiak bi arratsez


Aldizkariaren funts eta ekoizpenak eztabaidatuko dira ekainean

Baionako Lehen Euskal Kultur Asteak, ekainaren 5etik 13ra arte iraungo denak, Baionako zortzi kultur elkarte bilduko ditu. Maiatz literatur elkarteak bere VI Solasaldiak Bil Txokon antolatuko ditu. Liburu argitaratuen aurkezpenekin batera literatur aldizkari eta elkarleen funtsa eztabaidatuko da Hego Euskal Herriko zenbait elkarterekin.


L. ETXEZAHARRETA / BAIONA

Baionan eskoletan euskararen irakaskuntzan ari diren elkarte eta erakundeen mahainguru batekin hasiko da Lehen Euskal Kultur Astea, ekainaren 5ean. Haurrentzat animazio, 'Offeko maitasuna' filmearen aurkezpena, Laminak elkarlearen antzerkia eta bertso afariarekin batera Maiatz elkarlearen 'Solasaldiek' astea markatuko dute. Ekainaren 13an, AEKantuzek bukaera arrakastatsua emango dio asteari.

Hamar urte dituelarik Maiatz elkarleak, bere aldizkariaren 20. zenbakiak azpimarratzen duen bezala, literaturaren egoera—eta bereziki literatur aldizkariaren funtsa—ikergai bilakatzen ari da. Hamar urtez jende askoren beharrak euskarari buruz aldatu egin dira, irrati, ikastolen eta euskararen gehiago plazaratzearen eraginez.



Aintiart eta Irigarainen azken liburuak aipagai izango dira.



L.E.

Edozein kulturatan bezala, hizkuntzaren oinarria idatzia da, forma literarioaren esparruan. Hor definitzen dira oraindik ereduak eta kultur erreferentziak. Ingurumena erdalduntzen ari delarik nolako euskara erabili eta nola landu gai premiatsuak dira, literaturan jakintzatik bereiztua izan den gure herrian. Horrela aldizkari batek bere erantzun berezia izango luke, kreazioaren bultzatzearekin batera.

PLAZARATUTAKO EKOIZPENETAZ SOLASALDIA

Ekainaren 9 eta 10ean argitalpen batzuen inguruan izango dira solas eta eztabaidak. Lehen egunean, Kepa Akixo-ren 'Zoro Garaia' poema liburua eta 'Maiatz 20' aldizkaria aurkeztuko dira 19.00etan. 20.30etan Xan Iriga-


rai Azkaratekoak 'Amazonen Deia 1' aurkeztuko du. Horrekin nobela historikoa eta literatur erreferentziak aipagai bilakatuko dira.

Ekainaren 10ean, Piarres Aintiart-en 'Biziaren Bazterrean' 19.00etan aurkeztuko da. Lehen pertsonan idatzi liburu honek haustura bat dakarke gure literatur mundu uzkuraren. 20.30etan literatur aldizkariak aipagai izanen dira: Maiatz, Susa eta berdin beste partaideekin. Hauen toki premiatsua gazteen formakuntzan eta lehen obren argitalpenean nabarituko daiteke.

'Maiatz Gau Beila' batek 2. egun hau bururatuko du Bil Txokon. Koldo Ameztoti, Beñat Axiari, antzerkilari... eta sorpresa batzuek lagunarteko arratsaldi gozoa sor lezaket.

HENDAIA Antzerkiaren Maiatzak aurrera segitzen du.

Atzo 'Genitrix' Chimères taldearen obra agertu ondoren gaur 'Ubu' Alfred Jarry-ren obra famatutik Nada Théâtre taldeak ikuskari berezia 21.00etan eskainiko du: bi aktore baratzekari berezi batzuek inguratuko dituzte 'Aita Ubu' eta 'Ama Ubu', MONIQUE RUBINEL-ENGUERAND-en argazki honetan ikusten direnak. 16.00etan eskoletako publikoentzat Chimèresek egin zuen Andrée Chédid egiptoarraren obretarik jalgi 'Aurpegien Atzean' lana eskainiko da Joncaux Salan. Nada taldeko 'Ubu', berriz, Variétés salan izango da.



Joxe Lizaso omenduko dute bihar Azpeitiko Landeta auzoko saioan

AZPEITIA

Joxe Lizaso bertsolari azpeitiarraren omenezko saioa egingo da bihar, ostirala, 22.30etan, Azpeitiko Landeta auzoan dagoen kiroldegian, Azpeitiko Lagun Onak futbol taldeak antolatutik. 'Lizaso Zaharra' ondo ezagutzen duten lau bertsolari hartuko dute parte, Joxe Lizaso berarekin eta bere seme Sebastianekin batera: Joxe Agirre 'Oranda', Imanol Lazkano, Andoni Egaña eta Iñaki Muruak.

Saioko gaiak, berriz, Lizasorekin behin baino gehiagotan aritutako Laxaro Azkunek jarriko ditu.



Joxe Lizaso. CARLOS VILLAGRAN



ASOCIACION GUIPUZCOANA PRO-SUBNORMALES.
GIPUZKOAKO ATZERATUEN ELKARTEA.

Gipuzkoako Foru Aldundia
Diputación Foral de Gipuzkoa
LAGUNTZAILE

EGIZU BAT GUREKIN

Tf.: 42 39 42

Izena	
Helbidea	
Tel.	Herria
Kontu korr. zkia.	
Bankua edo Aurrezki Kutxa	
Sukurtsala eta Kodea	
Urteko kopurua (gutxienez 2000 pta.)	

Ekarpenik egin nahi baduzu, ATZEGI, Atzeratutako Gipuzkoako Elkarteak, gure probintziako Aurrezki Kutxetan duen kontuan sar dezakezu. Kutxa 650.356-9 Lankide Aurrezki 060.0.00143.0